

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 259473 25 St  
Zenica, 07.04.2026. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom PRIVREDNO DRUŠTVO BOSKOR GROUP d.o.o. Zavidovići, ul. Dubravica broj 100, Zavidovići, matični registarski broj subjekta upisa 43-01-0006-15, nakon ročišta održanog 29.09.2025. godine, u prisustvu likvidatora Karahasanović Samira i Semine Kustura Imamović, zaposlenice povjerioca Porezna uprava F BiH, Kantonalni porezni ured Zenica, van ročišta, dana 07.04.2026. godine donio je:

#### R J E Š E N J E

Otvara se i zaključuje stečajni postupak nad stečajnim dužnikom PRIVREDNO DRUŠTVO BOSKOR GROUP d.o.o. Zavidovići, ul. Dubravica broj 100, Zavidovići, matični registarski broj subjekta upisa 43-01-0006-15, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-43-01-0006-15, po pravomoćnosti ovoga rješenja.

#### O b r a z l o ž e n j e

Prijedlogom od 12.6.2024. godine predlagač PRIVREDNO DRUŠTVO BOSKOR GROUP d.o.o. Zavidovići, putem punomoćnika Karahasanović Samira, advokata iz Zavidovića, podnio je ovom sudu prijedlog za otvaranje likvidacionog postupka nad navedenim društvom. Nakon prijave potraživanja od strane povjerioca Porezna uprava F BiH, Kantonalni porezni ured Zenica u iznosu od 280,45 KM, likvidator je podnio prijedlog za pokretanje stečajnog postupka i na ročištu 02.04.2025. godine izjavio da predlaže da se otvori stečajni postupak, nakon čega je rješenjem spis preveden u stečaj.

Na ročištu održanom 29.9.2025. godine likvidator je izjavio da je nakon objavljivanja oglasa o provođenju likvidacije prijavu potraživanja podnijela Porezna uprava F BiH Kantonalni porezni ured Zenica u iznosu od 280,45 KM i da je utvrdio da postoje neizmirene obaveze prema povjeriocu Drvex d.o.o. Žepče, ulica Ponijevo bb, po osnovu rješenja o izvršenju Općinskog suda u Zavidovićima broj 42 0 Ip 066538 24 Ip od 16.05.2024. godine u iznosu od 5.714,67 KM sa zakonskim kamatama, da društvo ne posjeduje imovinu kako pokretnu tako i nepokretnu, što je utvrdio pribavljanjem Uvjerenja službe za upravu geodetskih, imovinsko-pravnih poslova i urbanizma Grada Zavidovići broj 06/6-30-676/25-1 od 25.02.2025. godine, Uvjerenja Općinskog suda u Zavidovićima zk. ured broj: 042-0-Rz-25-000073 od 21.02.2025. godine, Uvjerenja MUP-a odsjek za administraciju Zavidovići broj: 08-01-02/6-03-7-7-458-1/25 od 19.02.2025. godine, Potvrde o statusu računa ASA Banka od 05.11.2024. godine, iz koje se vidi da je račun blokiran odnosno da postoji nenaplaćeno izvršenje za povjerioca Drvex d.o.o. Žepče i u saradnji sa knjigovodstvenim servisom koji je vodio poslovne knjige za društvo Boskor d.o.o. utvrdio je da društvo ne posjeduje blagajnu odnosno da ne postoje nikakva gotovinska sredstva koje bi se moglo upotrijebiti za namirenje povjerilaca, tako da smatra da su ispunjeni uslovi za otvaranje stečajnog postupka, jer društvo u dužem vremenskom periodu ne izmiruje svoje dospjele obaveze odnosno da nije likvidno za dalje poslovanje niti je u mogućnosti izmiriti potraživanja odnosno dospjele obaveze zbog čega predlaže da sud otvori stečajni postupak i pozove povjerioce da uplate iznos od 3.000,00 KM za vođenje stečajnog postupka.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri

troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 07.10.2025. godine pozvao povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 07.10.2025. godine objavljeno je na oglasnoj tabli suda 25.02.2026. godine, na web stranici suda 17.02.2026. godine i objavljeno je u „Službenim novinama Federacije BiH“ broj: 79/25 od 15.10.2025. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

#### POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino